

# mainatges d'òc PLUMALHON

(5,34 €)

ISSN 1264-6733



**Reportatge :**  
**Lo circ**

**Participa a nòstre  
concors cinemà !!!**







# La talpa

**P**els camps e pels òrts, podètz veire de montets de tèrra d'un desenat o d'un quinzenat de centimètres, aquò's de talpièras. Son la resulta del trabalh d'aquel pichòt mamifèr que viu mai que mai jos tèrra : la talpa.



**L**a talpa es un mamifèr de 12 a 20 cm de long que pesa de 60 a 125g. A un còs cilindric que s'acaba amb un morronèl en forma de trompa. Lo pel del seu còs es dels pus sedoses.

**La talpa es un animal solitari que li fa besonh una granda ret de galariás. Dins aquela ret, i a de cambras tanben, per far lo nis e per servar las provecions.**



**L**a talpa passa tota la vida jos tèrra gaireben. Se noirà de vèrms, d'insèctes e de larvas. Amassa de resèrvas vivas per l'ivèrn. Atrapa de vèrms, lor mordís lo cap sens los tuar, mas aital li escapan pas. Cada jorn, manja son pes de noiridura.

**D**el mes de març al mes de mai, pendent la sason de las amors, los mascles daïssan lors galariás per anar vistalhar las de las femèlas. Tot còp, se tròban entres mascles, cap e tufa. Alara, se luchan ferotjament.

*La talpa a las doas patas de davant formadas*

*de dets amb d'arpas longas*

*que son ressarrats en forma de pala.*



*2. Aquelas patas longas li permeton*

*de cavar aisidament*

*de galariás per s'avidar.*



**U**n còp per an, la talpa fa nàisser una mena de 3 a 5 talpats e los noiràs de son lach quatre setmanadas. De talpas, se'n tròba dins tota Euròpa, sustot dins los camps, òrts e forèstes ont abundan los vèrms.